

M209: Scoph von dem lone

- 1,1a swer sô die zuht treit .
1,1b daz er wole vernimet . daz man ime seit .
1,2a und er danne in guot kêret .
1,2b daz er des bezzisten gehoeret .
1,3a und er daz boeseste lẫt varen .
1,3b der wart ie heiles geboren .
1,4a wir solten alle enein varen .
1,4b sô ne sîn wir leider sô geboren .
1,5a doch daz ein wîp wære .
1,5b diu uns von êreste gebære .
1,6a diu truoc misselîchiu kint .
1,6b alsô die afterkomen ienoch sint .
1,7a einen sun siu getruoc .
1,7b der sînen bruoder ersluoc .
1,8a daz bluot daz von ime gienc .
1,8b diu erde ez ungerne entvienc .
1,9a des verlôs siu ire magetheit .
1,9b des hân wir michel arbeit .
1,10a der sun daz erbe bestât .
1,10b vile dicke daz sîn vater lẫt .
1,11a sint sie gelîche geboren .
1,11b er lẫt ez ungerne varen .
- 2,1a doch hân wir einen vorevaren . der wart vile edele geboren .
2,2a der habet uns vile manigiu guoten bilede vore getân .
2,2b die sulen wir vile gerne begân .
2,3a die alten ê hât er uns benomen .
2,3b des sîn wir alle vûre komen .
2,4a diu was hine zuo der helle geboren .
2,4b die sulen wir gerne lẫzen varen .
2,5a diu sîn niuwe lêre .
2,5b diu ist alsô hêre .
2,6a swer sie rehte begât .
2,6b daz er in deme himelrîche stât .
2,7a âne alle sîne sünde .
2,7b ez ist ein edel ende .
2,8a ez sint allez edeliu kint .
2,8b diu ime volgente sint .

- 2,9a ez sint allez der diuwe kint .
2,9b die dâr vone gesunderet sint .
2,10a sô sulen wir rehte bewaren .
2,10b wie diu edelen kint gevaren .
2,11a daz wir daz selbe begân .
2,11b daz wir daz erbe müezen hân .
- 3,1a nû wile ich iuch sagen waz uns wê tuot .
3,1b daz tuot daz wankele muot .
3,2a des broeden mennischen muot .
3,2b daz wanket alsô diu luft tuot .
3,3a die der wint dâ kêret .
3,3b unde sie alsô garwe zervüeret .
3,4a alsô werdent –[...]
- 4,1a –[...] swaz sô siu guotlîchiu mac .
4,2a sweme decheine rede tuo .
4,2b diu kumet ie bezzerenthâlp dâr zuo
4,3a an daz bezzere si ez kêret .
4,3b daz wirsere siu allez zervüeret .
4,4a die zwô sint gesunderet
4,4b iewederere wunderet .
4,5a daz diu ander tuot .
4,5b daz ne dunket sie guot .
4,6a die sehen wir selten sament stân .
4,6b decheine rûne sament begân .
- 5,1a eines anderen übelen wîbes muot .
5,1b ich sage iu rehte wie si tuot .
5,2a diu sitzt unde kroenet .
5,2b unze siu ir selber man gehoenet .
5,3a diu spenet anderen man .
5,3b daz ist sünde getân .
5,4a si kêret ire muot .
5,4b same der bôse vogel tuot .
5,5a den zagel er ûf wendet .
5,5b sîn selbes nest geschendet .
5,6a daz mêrere mezzere wile siu tragen .
5,6b daz ne lânt iuch nieman widersagen .
5,7a er ne trîbe sie es widere .
5,7b er gelît dâr nidere .
- 6,1a swâ ein vrume wîp kûmet .
6,1b unde si ein boesen genimet .
6,2a diu nâch êren ist gezogen .
6,2b diu wirdet alsô harte betrogen .
6,3a wande deme boesen deme ist leit .
6,3b aller slahte vrûmicheit .

- 6,4a er ne lât sie niet des begân .
6,4b dâ dechein êre ist getân .
6,5a diu ist iemer in der nôt .
6,5b sie ne gescheide der tôt .
6,6a die sol got erloesen .
6,6b in zît von deme boesen .
- 7,1a swâ ein vrum man kumet
7,1b unde ein guot wîp genimet .
7,2a die kêrent ire muot .
7,2b an daz reht unde an daz guot .
7,3a die kristenlîche lebent .
7,3b unze sie den lîp habent .
7,4a iewederz dunket guot .
7,4b dâ daz ander guotlîche tuot .
7,5a daz sint diu gotes kint .
7,5b diu dâ gesamenet sint .
7,6a sô diu luft zergât .
7,6b unde der himel sô heiterlîche stât .
7,7a sô schînent elliu gotes licht .
7,7b siu en hânt wandeles niet .
7,8a alsô stât des biderben mannes muot .
7,8b der sô gerne guotlîche tuot .
7,9a der ne wirdet niet verwandelet .
7,9b durch neheiner slahte nôt .
7,10a des êre niemer zergât .
7,10b unze disiu werlt stât
- 9,1a –[...] mit ime sô vaste gestât .
9,2a wande nehein guot wille .
9,2b der ne kumet niemer ze helle .
- 10,1a got lêch mannegelîcheme drî licht .
10,1b des ne ist wandeles niet .
10,2a ein licht ist alsô getân .
10,2b daz wir an uns selben hân .
10,3a daz ne wære uns vrome niet .
10,3b âne diu zwei licht .
10,4a daz viur er uns verluhen hât .
10,4b dâ daz ander licht ane stât .
10,5a daz dritte licht ist der tac .
10,5b den nieman âne ne mac .
10,6a die dienen den mannen .
10,6b vile ist des uns got gan .
10,7a die mæninne joch der sunne .
10,7b diu himelische wünne .
10,8a die dienen dem manne .
10,8b vile ist des uns got gan .

- 10,9a die sternen alsô manicvalt .
10,9b got hât es alles gewalt .
10,10a got habet selbe ûf daz lieht .
10,10b des en ist wandeles niet .
10,11a er ist uns ze wâre .
10,11b ein hêrer liuhtære .
- 11,1a die engele dienen den mannen .
11,1b vile ist des uns got gan .
11,2a uns dienen die lufte
11,2b mit der guotes krefte .
11,3a uns dienet der regen unde snê .
11,3b ûzer swelicheme ende . ez here gê .
11,4a uns dienet der walt .
11,4b uns dienet hitzene unde kalt .
11,5a daz wazzer dienet dem manne .
11,5b vile ist des uns got gan .
11,6a uns dienet berc unde tal .
11,6b daz niezen wir al .
11,7a uns dienet der stein .
11,7b ie ne ist der geschepfede nehein .
11,8a ez en diene allez dem manne .
11,8b vile ist des uns got gan .
- 12,1a uns dienen vinstre unde lieht .
12,1b des ist wandeles niet .
12,2a uns dienet diu helle .
12,2b der sie verdienen welle .
12,3a siu ne ist nie sô veste vertân .
12,3b er müeze dâ herberge hân .
12,4a wande got den slüzzel hât .
12,4b der in daz apgründe gât .
12,5a wande er ist ze wâre .
12,5b ein rehter rihtære .
12,6a wande er niemanne verseit .
12,6b daz er verdienet heit .
12,7a wande er ist meister ze vlîze .
12,7b über elliū hellewîze .
12,8a zuo iegelîcheme wege gêt .
12,8b –[...]
- 13,1a –[...] guotes began .
13,1b er ne well es arbeite hân .
13,2a dô wart der halbe mandel sîn .
13,2b in himelrîche güldîn .
13,3a den er hine vûre sande .
13,3b und in vile wole gewande .
13,4a zuo den langen herbergen .

- 13,4b dâ begunde er vruo zuo sorgen .
13,5a dâ wir solten alle bestân .
13,5b obe wir iht guotes habeten getân .
13,6a swelichez sîn guot treit .
13,6b dâ er die rehten herberge heit .
13,7a unde sîn guot vüeret .
13,7b dâ er selbe hine kêret .
13,8a dâ er iemer sol bestân .
13,8b daz sint witze getân .
13,9a dâ sint die rehten herberge .
13,9b diz ne heizet niet wan ein sorge .
- 14,1a ditze heizet et gebitet .
14,1b alsô ein man dâr zuo rîtet .
14,2a heizet einen anderen ûf stân .
14,2b heizet in after wege gân .
14,3a dizze . heizet gelazzet .
14,3b als einer der sînen soum vazzet .
14,4a unde sîn guot wile bewaren .
14,4b unde in ein ander lant wile varen .
14,5a alsô sulen wir lazzen .
14,5b den selben soum vazzen .
14,6a wande wir müezen varen eine vart .
14,6b sô nie neheiniu starkeriu wart .
14,7a daz wir eteswaz dâ hân .
14,7b dâ wir selbe sulen bestân .
- 15,1a die rede die ich dâ hân getân .
15,1b wir solten sie vile gerne begân .
15,1c unde wirdet ir iedoeh vile lützel getân .
15,2a wande hier wirbet man unde wîp .
15,2b umbe einen zerganclichen lîp .
15,3a der alsô schiere wirdet zerstoeret .
15,3b sô man die hant umbe kêret .
15,4a dâ hilf genædiger Krist .
15,4b wie durft uns dîner krefte dâ ist .
- 16,1a sancte Martin der guote .
16,1b der erwarp in dirre noete .
16,2a er erwarp in disen sorgen .
16,2b zuo einen herbergen .
16,3a dâ er den halben mandel hine sande .
16,3b dâ er vile wole gewande .
16,4a daz ander teil daz er an ime truoc .
16,4b daz bezeichnenet eben unde genuoc .
16,5a daz er ime selben wolte hân . daz –[...]
- 17,1a –[...] hende .

- 17,2a ez brennet ienoch dîn goteheit .
17,2b an dir –[...]
17,3a dâr nâch lônest dû den mannen .
17,3b als er dich vernemen kan
17,4a dâr nâch wirdet ime gelônnet .
17,4b als er dîn geschônnet .
- 18,1a ich sage iuch waz lônnes die hânt
18,1b die daz rehte dâ begânt .
18,2a wie der wîse man tuot
18,2b er wirbet allez umbe guot .
18,3a als er iemer sule leben .
18,3b unde îlet iz sâr dar geben
18,4a als er ze stete sule vervaren .
18,4b der wile die sêle bewaren
18,5a der erwirbet sicherlîche .
18,5b daz selbe himelrîche .
18,6a sîn guot schînet im –[...]
18,6b dare .
18,7a daz aftere licht .
18,7b daz ne schînet vore deme nieht
18,8a sô schînet vore ime daz guot .
18,8b daz man ime den himel ûf tuot
- 19,1a –[...] man verseit .
19,1b daz er dare gevrûmet heit .
19,2a dâ sint –[...] inne
19,2b iemer wernte minne .
19,3a dâ ne ist haz dâ ne ist nît .
19,3b dâ ne ist zorn dâ ne ist strît
19,4a dâ ne ist ze junc dâ ne ist ze alt .
19,4b dâ ne ist ze heiz dâ ne ist ze kalt
19,5a –[...] lîbe .
19,5b an manne unde an wîbe .
19,6a dâ schînet wîp unde man
19,6b beide[...] lustsam .
19,7a schoenere danne tac .
19,7b wole in der dar komen mac
- 20,1a er ist schoener danne der sunne .
20,1b in der himelischen wünne
20,2a dâ mac mannegelîch . er sî arm older rîche .
20,3a sich selben durchsehen
20,3b dâ mac man genâden êr jehen .
20,4a dâ lônnet got schône .
20,4b mit deme himelischen lône .
20,5a dâ dunket tûsent jâre .
20,5b niuwan ein tac ze wâre

- 20,6a dâ gît diu gotes kraft .
20,6b vröuwede unde wirtschaft
20,7a –[...] ist engele sanc .
20,8a iegeliche alsus .
20,8b sanctus sanctus sanctus
- 21,1a –[...] die in antwurten
21,1b mit den gotes worten .
21,2a dâ ne ist sô êrlîches nieht
21,2b sô –[...] lieht .
21,3a die bezeichnenet den lîchamen .
21,3b sancte –[...]
21,4a nû sulent ir vernemen baz .
21,4b Maria heizet si umbe daz
- 22,1a –[...]
22,2a swenne wir gesundet hân .
22,2b daz wir den trôst ze gote hân .
22,3a –[...] bûrgen . alsô .
22,3b in deme hêren evangeliô .
- 23,1a –[...] es alsô .
23,1b ein burc hiez Jêricho .
23,2a dâ was inne ze –[...]
23,2b – .
23,3a der roubete unde brante .
23,3b daz liut erkante
23,4a der was mehtic unde rîche .
23,4b daz vorhten al gelîche .
23,5a der was –[...]
23,5b – .
23,6a der was des vîandes bote .
23,6b daz liut ruofte ze gote
23,7a daz er dare kæme .
23,7b unde in den man benæme .
23,8a diu –[...] .
23,8b der hiez Zacheus .
23,9a got daz liut erhôrte .
23,9b ich weiz er dar kêrte
23,10a man seit uns alsô .
23,10b in die burc zuo Jêricho .
- 24,1a dô gehôrte alsus .
24,1b der selbe Zacheus .
24,2a daz dâ komen wære .
24,2b ein rehter rihtære
24,3a und an ime nam ende .
24,3b allermannegelîches sünde .

- 24,4a er dâhte er an in kêrte
24,4b daz er in vile wole gelêrte .
24,5a daz sîn würde vile guot rât
24,5b vûre alle sîne missetât .
24,6a der vile süntige man .
24,6b wie harte er îlen began
24,7a ob er dar kâme .
24,7b unde sîniu wort . vernæme .
24,8a unde er in sæhe
24,8b sîner sünden ime bejæhe .
- 25,1a dâ was des liutes alsô vile
25,1b als ich iu nû sagen wile .
25,2a von den ne mahte er vûre komen .
25,2b gotes wort niet vernemen .
25,3a got selben niet ersehen .
25,3b sîner sünden niet bejehen
25,4a die liute dâ mite gote vuoren .
25,4b daz sie lenger –[...]
25,5a es[...] alsus . danne jener Zacheus .
25,6a daz –[...]
25,6b bezeichnenet daz .
25,7a dâ was sîner sünden mêre
25,7b –[...] wære .
25,8a in lützelen den stunten .
25,8b dô –[...] –[...] .
- 26,1a dô sach er ein boum stên .
26,1b dô îlte er sâr hin gên
26,2a in den esten er sich vieng .
26,2b reht er ûf den boum gie .
26,3a der boum –[...]
- 27,1a –[...]
27,2a –[...] mir mîne sünde .
27,2b ich vergilte in vier ende .
27,3a allez daz ich ie genam
27,3b iz sî wîp older man
27,4a unde wizzest wole ze wære .
27,4b ich ne getuon iz niemer mêre .
27,5a got vergap ime dâ ze stete .
27,5b allez daz er ie getete
27,6a unde daz er iemer tuot .
27,6b der bekêrde ist guot .
27,7a durhnehtelîche .
27,7b die entwæhet got in sîn rîche .
27,8a alsô entwâhe er ouch den man .
27,8b der disen schopf von êrste began